

四庫全書

集部

欽定四庫全書

集部

萬首唐人絕句卷四十四至六

詳校官庶吉士臣柳遵祖

助教<sub>臣</sub>常循覆勘

總校官編修<sub>臣</sub>王燕緒

校對官編修<sub>臣</sub>勵守謙

謄錄監生<sub>臣</sub>何大士

欽定四庫全書

萬首唐人絕句卷四十四

宋 洪邁 編

七言

贈少年

溫庭筠

江海相逢客恨多，秋風葉下洞庭波。  
酒酣夜別淮陰市，月照高樓一曲歌。

答段柯古見囑

彩翰殊翁金繚繞  
一千二百逃飛鳥  
尾薪橋下未為癡  
暮雨朝雲世間少

彈箏人

天寶年中事玉皇  
曾將新曲教寧王  
鈿蟬金鴈皆零落  
一曲伊州淚萬行

瑤瑟怨

冰簟銀牀夢不成  
碧天如水夜雲輕  
鴈聲還向瀟湘去  
十二樓中月自明

夏中病牴作

山鬼揚威正氣愁  
便辭珍簟襲狐裘  
西窓一夕悲人事  
團扇無情不待秋

元處士池上

蓼穗芰叢思蟪蛄  
水螢江鳥滿煙蒲  
愁紅一片風前落  
池上秋波似五湖

華陰韋氏林亭

自有林亭不得閒  
陌塵宮樹是非間  
終南祇在茅簷外

別向人間看華山

寄裴生乞釣鉤

一隨菱棹謁王侯  
深愧移文負釣舟  
今日太湖風色好  
却將詩句乞魚鉤

春日雨

細雨濛濛入絳紗  
湖亭寒食孟珠家  
南朝漫自稱流品  
宮體何曾為杏花

洛陽

鞏樹先春雪滿枝上陽宮柳轉黃鸝桓譚未便忘西笑  
豈為長安有鳳池

四老

商於角里便成功一寸沉機萬古同但得戚姬甘定分  
不應真有紫芝翁

蓮花

綠塘搖盪接星津軋軋蘭橈入白蘋應為洛神波上襪  
至今蓮葉有香塵

過吳景帝陵

王氣銷來水淼茫，豈能才與命相妨。  
虛開直瀆三千里，青蓋何曾到洛陽。

龍尾驛婦人圖

慢笑開元有倖臣，直教天子到蒙塵。  
今來看畫猶如此，何況親逢絕世人。

薛氏池垂釣

池塘經雨更蒼蒼，萬點荷珠曉氣涼。  
朱瑤空偷御溝水。



錦鱗紅尾屬嚴光

簡同志

開濟猶來變盛衰  
五車纔得號磁基  
留侯功業何容易  
一卷兵書作帝師

贈鄭徵君

一拋蘭棹逐燕鴻  
曾向江湖識謝公  
每到朱門還悵望  
故山多在畫屏中

車駕西遊因而有作

宣曲長楊瑞氣凝上林孤兔待秋鷹誰將詞賦陪雕輦  
寂寞相如卧茂陵

傷溫德彝

昔年敵騎犯榆關一敗龍城匹馬還侯印不聞封李廣  
他人丘壟似天山

題端正樹

路傍佳樹碧雲愁曾侍金輿幸驛樓草木榮枯似人事  
綠陰寂寞漢陵秋

題李相公勅賜錦屏風

豐沛曾為社稷臣  
賜書名畫墨猶新  
幾人同保山河誓  
獨自棲棲九陌塵

題友人居

盡日松堂看畫圖  
綺疏岑寂似清都  
若教煙水無鷗鳥  
張翰何由到五湖

蔡中郎

古墳零落野花春  
聞說中郎有後身  
今日愛才非昔日

枉拋心力作詞人

渭上題三首

呂公榮達子陵歸萬古煙波遶釣磯橋上一通名利迹  
至今江鳥背人飛

目極雲霄思浩然風帆一片水連天輕橈便是東歸路  
不肯忘機作釣船

煙水向曾息世機暫時相向亦依依所嗟白首磻溪叟  
一下漁舟更不歸

經故翰林袁學士居

劍逐驚波玉委塵  
謝安門下更何人  
西州城外花千樹  
盡是羊曇醉後春

題杜邠公林亭

卓氏壚前金線柳  
隋家堤伴錦帆風  
貪為兩地分霖雨  
不見池蓮照水紅

贈張鍊師

丹溪藥盡變金骨  
清洛月寒吹玉笙  
他日隱居無訪處

碧桃花發水縱橫

河中紫極宮

昔年曾伴玉真遊  
每到仙宮即是秋  
曼倩不歸花落盡  
滿叢煙露月當頭

夜看牡丹

高低深淺一欄紅  
把火殷勤照露叢  
希逸近來成懶病  
不能容易向春風

宿城南亡友別墅

水流花落歎浮生又伴遊人宿杜城  
還似昔年殘夢裏  
透簾斜月獨聞鶯

過分水嶺

溪水無情似有情入山三日得同行  
嶺頭便是分頭處  
惜別潺湲一夜聲

鄠杜郊居

槿籬芳暖近樵家  
壠麥青青一迳斜  
寂寞遊人寒食後  
夜來風雨送梨花

長安春晚二首

曲江春半日遲遲  
正是王孫悵望時  
杏花落盡不歸去  
江上東風吹柳絲

四方無事太平年  
萬象鮮明禁火前  
九重細雨惹春色  
輕染龍池楊柳煙

三月十八日雪中作

芍藥薔薇語早梅  
不知誰是艷陽才  
今朝領得東風意  
不復饒君雪裏開



咸陽值雨

咸陽橋上雨如懸  
萬點空濛隔釣船  
還似洞庭春水色  
晚雲將入岳陽天

瑟瑟釵

翠染冰輕透露光  
墮雲孫壽有餘香  
只應七夕回天浪  
添作湘妃淚兩行

南歌子詞二首

一尺深紅勝麴塵  
天生舊物不如新  
合歡桃核終堪恨

裏許元來別有人

井底點燈深燭伊共郎長行莫圍碁珍瓏骰子安紅豆  
入骨相思知不知

題石泉蘭若

段成式

蠹竹為籬松作門石楠陰底藉芳蓀方袍近日少平叔  
注得逍遙無處論

怯酒

大白東西飛正狂新葛石凍雜梅香詩中反語常回避

尤怯花前喚索郎

牛尊師宅看牡丹

洞裏仙春日更長  
翠叢風剪紫霞芳  
若為蕭史通家客  
情願扛壺入醉鄉

觀碁

閒對奕楸傾一壺  
黃羊枰上幾成都  
他時謁帝銅池曉  
便賭宣城太守無

題僧壁

有僧支頰撚眉毫起就夕陽磨剃刀到此既知閒最樂  
俗心何啻九牛毛

哭房處士

獨上黃壇幾度盟印開龍渥喜丹成豈同叔夜終無分  
空向人間著養生

呈輪上人

虎到前頭心不驚殘陽擇蟲懶逢迎東林水石未勝此  
要假遠公方有名

題谷隱蘭若三首

風惹閒雲半谷陰  
巖西隱者醉相尋  
草衰乍覺徑增險  
葉盡却疑溪不深

鳥啄靈鷄戀落暉  
村情山趣頓忘機  
丹成道士過門數  
葉盡寒猿下嶺稀

風帶巢熊拗樹聲  
老僧相引入雲行  
半坡新路畚纒了  
一谷寒煙燒不成

不赴光風亭夜飲

井開屈膝見吳娃  
蠶蠟同心四照花  
姹女不愁難管領  
斬新鉛裏得黃牙

嘲元中丞

鶯裏花前選孟光  
東山逋客酒初狂  
素娥畢竟難防備  
燒得河車莫遣嘗

寄溫飛卿牋紙

三十六鱗充使時  
數番猶得裏相思  
待將袍襖重抄了  
盡寫襄陽播拈詞

嘲飛卿七首

曾見當壚一箇人，入時裝束好腰身。  
少年花蒂多芳思，只向詩中寫取真。

醉袂幾侵魚子纈，飄纓長冒鳳凰釵。  
知君欲作閒情賦，應願將身作錦鞵。

翠蝶密偎金叉首，青蟲危泊玉釵梁。  
愁生半額不開靨，只為多情團扇郎。

柳煙梅雪隱青樓，殘日黃鸝語未休。  
見說自能裁袖腹，

不知誰更著幃頭

愁機嬾織同心苣悶繡先描連理枝多少風流詞句裏  
愁中空詠早環詩

燕支山色重能輕南陽水澤關分明不煩射雉先張翳  
自有琴中威鳳聲

半歲愁中鏡似荷牽環撩鬢却須磨花前不復抱瓶渴  
月底還應琢刺歌

柔卿解籍戲呈飛卿三首



長擔犢車初入門  
金牙新醞盈深罇  
良人為漬木瓜粉  
遮却紅腮交午痕

最宜全幅碧鮫綃  
自製春羅等舞腰  
未有長錢求鄴錦  
且令裁取一團嬌

出意挑鬟一尺長  
金為鈿烏簇釵梁  
鬱金種得花茸細  
添入春衫領裏香

戲高侍御七首

百媚城中一箇人  
紫羅垂手見精神  
青琴仙子長教示

自小來來號阿真

七尺髮猶三角梳玳牛獨駕長檐車曾城自有三青鳥  
不要蓮東雙鯉魚

花恨紅腰柳妒眉東鄰牆短不曾窺猶憐最小分瓜日  
奈許迎春得藕時

自等腰身尺六彊兩重危鬢盡釵長欲燠羅薦嫌龍腦  
須為尋求石葉香

別起青樓作幾層斜陽慢卷轆轤繩厭裁魚子深紅纈

泥覓蜻蜓淺碧綾

詐嫌嚼貝磨衣鈍  
私帶男錢壓鬢低  
不獨邯鄲新嫁女  
四枝鬟上插通犀

可羨羅敷自有夫  
愁中漫捋白髭鬚  
豹錢驄子能擎舉  
兼著連乾許換無

送僧二首

形神不滅論初成  
愛馬乘閒入帝京  
四十三年虛過了  
方知僧裏有唐生

想到頭陀最上方  
桂陰猶認惠宗房  
因行戀燒歸來晚  
窻下猶殘一字香

猿

却憶書齋值晚晴  
挽枝聞嘯激蟬清  
影沉巴峽夜巖色  
蹤絕石塘寒瀨聲

送穆郎中赴闕

應念愁中恨索居  
驪歌聲裏且踟躕  
若逢金馬門前客  
為說虞卿父著書

題商山廟

偶出雲泉謁禮闈  
篇章曾沐漢皇知  
無謀靜國東歸去  
羞過商山四老祠

折楊柳七首

枝枝交影鎖長門  
嫩色曾沾雨露恩  
鳳輦不來春欲盡  
空留鶯語到黃昏

水殿年年占早芳  
柔條偏惹御爐香  
而今萬乘多巡狩  
輦路無陰綠草長

玉樓煙薄不勝芳，金屋寒輕翠帶長。  
公子驂騑往何處，綠陰堪繫紫遊韁。

嫩葉初齊不耐寒，風和時拂玉欄干。  
君王去日曾攀折，泣雨傷春翠黛殘。

微黃纔綻未成陰，繡戶朱簾相映深。  
長恨早梅無賴極，先將春色出前林。

隋家堤上已成塵，漢將營邊不復春。  
只向江南并塞北，酒旗相伴惹行人。

陌上河邊千萬枝，怕寒愁雨盡低垂。  
黃金穗短人多折，已恨東風不展眉。

哭李羣王

酒裏詩中三十年，縱橫唐突世喧喧。  
明時不作禰衡死，傲盡公卿歸九泉。

漢宮詞二首

歌舞初承恩寵時，六宮學妾畫蛾眉。  
君王厭世妾頭白，聞唱歌聲却淚垂。

二八能歌得進名人言  
選入便光榮豈知妃后多嬌妬  
不許君前唱一聲

醉中吟

只愛糟牀滴滴聲  
長愁聲絕又醒醒  
人間榮辱不常定  
唯有南山依舊青

桃源僧舍看花

前年帝里探春時  
寺寺名花我盡知  
今日長安已灰燼  
忍能南國對芳枝



酬段柯古不赴夜飲

元 繇

玉樹瓊筵映彩霞  
澄波虛閣似仙家  
只緣存想歸蘭室  
不向光風看夜花

看牡丹

金葉霞英疊綵香  
初疑少女出蘭房  
逡巡又是一年別  
寄語集仙呼索郎

及第後宿平康里

鄭合敬

春來無處不閒行  
楚閨相看別有情  
好是五更殘酒醒

時時聞喚狀頭聲

黃陵廟詞

李遠

黃陵廟前莎草春  
黃陵女兒舊裙新  
輕舟小楫唱歌去  
水遠山長愁殺人

春閨怨

李頻

紅粉女兒窓下羞  
畫眉夫婿隴西頭  
自怨愁容長照鏡  
悔教征戍覓封侯

春日旅舍

未識東西南北路  
青春白日坐銷難  
如何一別故園後  
五度花開五處看

吳門別主人

早晚更看吳苑月  
小齋長憶落西窻  
不知明夜誰家見  
應照離人隔楚江

自黔中歸新安

朝過春關辭北闕  
暮參戎幕向南巴  
却將仙桂東歸去  
江月相隨直到家

過長江傷賈島

忽從一宦遠流離無罪無人子細知到得長江聞杜宇  
想君魂魄也相隨

客洛酬劉駕

浮世總應相送老共君偏更遠行多此回不似前回別  
聽盡離歌逐擢歌

和鄭薰

三四株松匝草亭便成彭澤柳為名蓮峯隱去難辭闕

澹水朝回與出城

題釣臺障子

君家盡是我家山  
巖子前臺枕古灣  
却把釣竿終不可  
幾時入海得魚還

自遣

永擬東歸把釣絲  
將行忽起半心疑  
青雲道是不平地  
還有平人上得時

寄曹鄴

終南山是枕前雲禁鼓無因曉夜聞朝客秋來不朝日  
曲江西岸去尋君

述懷

望月疑無得桂緣春天又待到秋天杏花開與槐花落  
愁去愁來過幾年

憤題

吳武陵

雀兒來逐颶風高下視鷹鷂意氣豪自謂能生千里翼  
黃昏依舊入蓬蒿



萬首唐人絕句卷四十四



欽定四庫全書

萬首唐人絕句卷四十五

宋 洪邁 編

七言

移石盆

陸龜蒙

移得龍泓激灑寒月輪初下白雲端無人盡日澄心坐  
倒影新篁一兩竿

自遣詩二十二首

五年重別舊山村樹有交柯犢有孫更感卞峯顏色好  
晚雲纔散便當門

雪下孤村浙浙鳴病魂無睡灑來清心搖抵待東窓曉  
長媿寒雞第一聲

甫里先生未白頭酒旗猶可戰高樓長鯨好鱠無因得  
乞取餘艍作釣舟

花瀨濛濛紫氣昏水邊山曲更容村終須揀取幽棲地  
老桂成雙便作門

長歎人間髮易華  
暗將心事許煙霞  
病來前約分明在  
藥鼎書囊便是家

醞得秋泉似玉容  
比於雲液更應濃  
思量北海徐劉輩  
枉向人間號酒龍

偶然攜稚看微波  
臨水春寒一倍多  
便使筆精如逸少  
懶能書字換羣鷺

數尺游絲墮碧空  
年年長是惹東風  
爭知天上無人住  
亦有春愁鶴髮翁

往古天高事渺茫  
爭知靈媛不淒涼  
月娥如有相思淚  
祇待方諸寄兩行

本來雲外寄閒身  
遂與溪雲作主人  
一夜逆風愁四散  
曉來零落傍衣巾

淵明不待公田熟  
乘興先秋解印歸  
我為餘糧春未去  
到頭誰是復誰非

雲擁根株抱石危  
斲來文似瘦蛟螭  
幽人帶病愁朝起  
祇向春山盡日歌

月澹花閒夜已深  
宋家微詠若遺音  
重思萬古無人賞  
露濕清香獨滿襟

南岸春田手自農  
往來橫絕半江風  
有時不耐輕橈興  
暫欲蓬山訪洛公

賢達垂竿小隱中  
我來真作捕魚翁  
前溪一夜春流急  
已學嚴灘下釣筒

水國君王又姓蕭  
風情由是冠前朝  
靈和殿下巴江柳  
十二樓前等翠條

強梳蓬鬢整斜冠  
片燭光微夜思闌  
天意最饒惆悵事  
單樓分付與春寒

無多藥圃近南榮  
合有春苗次第生  
稚子不知名品上  
恐隨春草鬪輸贏

一派溪隨若下流  
春來無處不汀洲  
漪瀾未碧蒲猶短  
不見鴛鴦正自由

山下花明水上曛  
一橈青翰破霞文  
越人但愛風流客  
繡被何須屬鄂君

妍華須是占時生，準擬羞肩不近情。  
佳麗幾時腰不細，荆王辛苦致宮名。

羊侶多應自古豪，解盤金稍置纖腰。  
縱然此事教雙得，不博溪田二頃苗。

石竹花

曾看南朝畫國娃，古羅衣上碎明霞。  
而今莫共金錢鬪，買却春風是此花。

閒吟

閒吟料得三更盡始把孤燈背竹窻一夜西風高浪起  
不教歸夢過寒江

北渡

江客柴門枕浪花鳴機寒櫓任嘔啞輕舟過去真堪畫  
驚起鷓鴣一陣斜

夜泊詠棲鴻

可憐霜月暫相依莫向衡陽起遂飛同是江天寒夜客  
羽毛單薄稻梁微



早行

冰寒孤棹觸天文，直是乘槎去問津。  
縱使碧虛無限好，客星名字也愁人。

景陽宮井

古堞煙埋宮井樹，陳主吳姬墮泉處。  
舜沒蒼梧萬里雲，却不聞將二妃去。

江南二首

便風船尾香杭熟，細雨冒頭赤鯉跳。  
待得江餐閒望足。

日斜方動木蘭橈

村邊紫豆花垂次岸上紅梨葉戰初莫怪煙中重回首  
酒家青紵一行書

溪思雨中

雨映前山萬句絲檣聲衝碎似鳴機無端織得愁成段  
堪作騷人酒病衣

江城夜泊

漏移寒箭丁丁急月掛虛弓藹藹明此夜離魂堪射斷

更煩江笛兩三聲

宮人斜

草著愁煙似不春  
晚鶯哀怨問行人  
須知一種埋香骨  
猶勝昭君作塞塵

送棊客

滿目山川似勢棊  
况當秋鴈正斜飛  
金門若召羊玄保  
賭取江東太守歸

漢宮詞

招靈閣上霓旌絕  
梁柏臺中珠翠稠  
一身三十六宮夜  
露滴玉盤青桂秋

上清

玉林風露寂寥清  
仙妃對月閒吹笙  
新篁冷澀曲未盡  
細拂雲枝棲鳳驚

秋荷

蒲葦承露有佳色  
芰葉束煙如效颦  
盈盈一水不得渡  
冷翠遺香愁向人

有別二首

且將絲絳繫蘭舟  
醉下煙汀減去愁  
江上有樓君莫上  
落花流水正東流

池上已看鶯舌默  
雲間應即鴈翰開  
唯愁別後當風立  
萬樹將秋入恨來

病中曉思

月墮霜西竹井寒  
轆轤絲凍下瓶難  
幽人病久渾成渴  
愁見龍書一鼎乾

送友人之湖上

故人溪上有漁舟  
竿倚風蘋夜不收  
欲寄一函聊問訊  
洪喬寧作置書郵

寒日逢僧

瘦脰高褰梵屨輕  
野塘風勁錫環鳴  
如何不向深山裏  
坐擁閒雲過一生

冬柳

柳汀斜對野人窻  
零落衰條傍曉江  
正是霜風飄斷處

寒鷗驚起一雙雙

寄友人

敬亭寒夜溪聲裏  
同聽先生講太玄  
上得雲梯不回首  
釣竿猶在五湖邊

島樹

波濤漱苦盤根淺  
風雨飄多著葉遲  
迴出孤煙殘照裏  
鷺鷥相對立高枝

頭陀僧

萬峯圍繞一峯深  
向此長修苦行心  
自掃雪中歸鹿跡  
天明恐被獵人尋

晚渡

半波飛雨半波晴  
漁曲飄秋野調清  
各樣蓮船逗村去  
笠簷蓑袂有殘聲

贈老僧二首

枯貌自同霜裏木  
餘生唯指佛前燈  
少時寫得坐禪影  
今見問人何處僧



自有家山供衲線不離溪曲取菴茆  
舊曾聞說林中鳥  
定後長來頂上巢

憶山泉

一夜寒聲來夢裏  
平明著屐到聲邊  
心期盛夏重過此  
脫却荷衣石上眠

白芙蓉

澹然相對却成勞  
月染風裁箇箇高  
似說玉皇親謫墮  
至今猶著水精袍

嚴光釣臺

片帆竿外揖清風  
石立雲孤萬古中  
不是狂奴為故態  
仲華爭得黑頭公

讀陳拾遺集

蓬顆何時與恨平  
蜀江衣帶蜀山輕  
尋聞騎士梟黃祖  
自是無人祭禰衡

吳宮懷古

香徑長洲盡棘叢  
奢雲艷雨祗悲風  
吳王事事須亡國

未必西施勝六宮

方響

擊霜寒玉亂丁丁  
花底秋風拂坐生  
玉母閒看漢天子  
滿荷蘭殿珮環聲

閨怨

白袷行人又遠遊  
日斜空上映花樓  
愁絲墮絮相逢着  
絆惹春風卒未休

丁香

欽定四庫全書

萬首唐人絕句

江上悠悠人不問十年雲外醉中身  
殷勤解却丁香結  
從放繁枝散誕春

種蒲

杜若溪邊手自移旋抽煙劍碧參差  
何時織得孤帆去  
懸向秋風訪所思

范蠡

平吳專越禍胎深豈是功成有去心  
勾踐不知嫌鳥喙  
歸來猶自鑄良金

山僧二首

山蘚幾重生草履澗泉長自滿  
銅餅時將如意敲眠虎  
遣向林間坐聽經

一夏不離蒼島上秋來頻話石城南  
思歸瀑布聲前坐  
却把松枝拂舊菴

上雲樂

青絲作笮桂為船白兔搗藥蝦蟇丸  
便浮天漢泊星渚  
回首笑君承露盤

新秋雜題六首

眠

一簾臨窻薤葉秋  
小簾風蕩半離鈎  
魂清雨急夢難到  
身在五湖波上頭

行

尋人直到月塢北  
覓鶴便過雲峯西  
只今猶有踈野調  
但繞莓苔風雨畦

倚

橘下凝情香染巾竹邊留思露搖身背煙垂手盡日立  
憶得山中無事人

吟

憶山搖膝石上晚懷古掉頭溪畔涼有時得句一聲發  
驚起鷺鷥和夕陽

食

日午空齋帶睡痕水蔬山藥薦盤餐林鳥信我無機事  
長到而今下石盆

坐

偶避蟬聲來隙地  
忽隨鴻影入遼天  
閒僧不會寂寥意  
道學西方人坐禪

新沙

渤海聲中漲小堤  
官家知後海鷗知  
蓬萊有路教人到  
應亦年年稅紫芝

鄴宮詞二首

魏武平生不好香  
楓膠蕙炷潔宮房  
可知遺令非前事



却有餘薰在繡囊

花飛蝶駭不愁人  
水殿雲廊別置春  
曉日靚裝千騎女  
白櫻桃下紫綸巾

古別

仙人左手把長箭  
欲射日烏烏  
不棲何事離情畏  
明發  
一心唯恨汝南雞

高道士

峨眉道士風骨峻  
手把玉皇書  
一通東遊借得琴  
高鯉

騎入蓬萊清淺中

蔬食

孔融不要留殘膾  
庾悅無端恡子鷺  
香稻熟來秋菜嫩  
伴僧餐了聽云何

寄遠

縹梨花謝鶯口喫  
黃犢少年人未歸  
畫扇紅弦相揜映  
獨看斜月下簾衣

山中僧

手開一室翠微裏日暮白雲棲半間白雲朝出天際去  
若比老僧雲未閒

洞宮秋夕

濃霜打葉落地聲南溪石泉細泠泠洞宮寂寞人不寐  
坐見月生雲母屏

連昌宮詞二首

金鋪零落獸環空斜揜雙扉細草中日暮烏歸宮樹綠  
不聞鴉軋閉春風

宮門

草沒苔封疊翠斜，墜紅千葉擁殘霞。  
年年直為秋霖苦，滴陷青珉隱起花。

階

懷宛陵舊遊

陵陽佳地昔年遊，謝朓青山李白樓。  
唯有日斜溪上思，酒旗風影落春流。

松石曉景圖

霜骨雲根慘澹愁，宿煙封著未全收。  
將歸與說文通後，寫得松江岸上秋。

釣車

小輪輕線妙無雙  
曾伴幽人酒一缸  
洛客見時如有問  
輾煙衝雨過桐江

漉酒巾

靜節高風不可攀  
此巾猶墜凍醪間  
偏宜雪夜山中戴  
認取時情與醉顏

華陽巾

蓮花峯下得佳名  
雲褐相兼上鶴翎  
須是古壇秋霽後

靜焚香炷禮寒星

送琴客之建康

蕙風杉露共泠泠  
三峽寒泉漱玉清  
君到南朝訪遺事  
柳家雙鎖舊知名

白鷺

雪然飛下立蒼苔  
應伴江鷗拒我來  
見欲扁舟搖蕩去  
倩君先作水雲媒

溪行

晚天寒雨上灘時  
池已揚舡我尚遲  
自是檣低帆幅少  
溪風終不兩般吹

太湖叟

細漿輕船買石歸  
酒痕狼藉徧苔衣  
攻車戰艦繁如織  
不肯回頭問是非

答友人

荊卿雄骨化為塵  
燕市應無共飲人  
能脫鸛鷁來換酒  
五湖賒與一年春

偶作

酒信巧為綠病緒花音長作嫁愁媒也知愁病堪回避  
爭奈流鶯喚起來

春思二首

竹外麥煙愁漠漠短翅啼禽飛魄魄此時憶著千里人  
獨坐支頤看花落

江南酒熟清明天高高綠旆當風懸誰家無事少年子  
滿面落花猶醉眠



訪僧不遇

棹倚東林欲問禪  
遠公飛錫未應還  
蒙莊子弟相者笑  
何事空門亦有關

謝山泉

泱泱春泉出洞霞  
石壘封寄野人家  
草堂盡日留僧坐  
自向前溪摘茗芽

洞宮夕

月午山空桂花落  
華陽道士雲衣薄  
石壇香散步虛聲

杉露清冷滴棲鶴

峽客行

萬仞峯排千劔束孤舟  
夜繫峯頭宿蠻溪雪壤蜀江傾  
灑灑朝來大如屋

江邊

江邊日晚潮煙上樹裏鴉鴉  
桔槔響無因得似灌園翁  
十畝春蔬一藜杖

春夕櫻桃園宴

佳人芳樹雜春蹊  
花外煙濛月漸低  
幾度艷歌清欲轉  
流鶯驚起不成棲

松江早春

柳下江餐待好風  
暫時還得狎漁翁  
一生無事煙波足  
唯有沙邊水勃公

萬首唐人絕句卷四十五

欽定四庫全書

萬首唐人絕句卷四十六

宋 洪邁 編

七言

開元雜題七首

陸龜蒙

玉龍子

何代竒工碾玉英  
細髣纖角盡雕成  
煙乾霧悄君心苦

風雨長隨一擲聲

照夜白

雪蚪輕較步如飛一練騰光透月旗應笑穆王拋萬乘  
踏風鞭露向遙池

湯泉

煖殿流湯數十間玉渠香細浪回環上皇初解雲衣浴  
珠棹時敲瑟瑟山

舞馬

月窟龍孫四百蹄驕驤輕步應金鞞曲終似要君王寵

回望紅樓不敢嘶

雜伎

拜象馴犀角抵豪星丸霜劍出花高六官爭近乘輿望  
珠翠三千擁赭袍

雪衣女

嫩紅鈎曲雪花攢月殿樓時片影殘自說夜來春夢惡  
學持金偈玉欄杆

繡嶺宮

繡嶺花殘翠倚空碧牕瑤砌舊行宮閒乘小驢濃陰下  
時舉金鞭半袖風

女墳湖

吳王墓  
女之所

水平波淡遠回塘鶴殉人沉萬古傷應是離魂雙不得  
至今沙上少鴛鴦

秦伯廟

故國城荒德未荒年年椒奠濕中堂邇來父子爭天下  
不信人間有讓王



閒居雜題五首

鳴蜩早

閒來倚杖柴門口  
烏下深枝啄晚蟲  
周步一池銷半日  
十年聽此鬢如蓬

野態真

君如有意耽田里  
予亦無機向藝能  
心跡所便唯是直  
人間聞道最先憎

松間斟

子山園靜憐幽木公幹詞清詠華門月上風微蕭灑甚  
斗醪何惜置盈樽

飲巖泉

已甘茅洞三君食久買桐江一朵山巖子瀨高秋浪白  
水禽飛盡釣舟還

當軒鶴

自笑與人乖好尚田家山客共柴車千時未似棲廬雀  
鳥道閒攜相爾書

宿木蘭院

苦吟清漏迢迢極月過花西尚未眠  
猶憶故山歌警枕  
夜來嗚咽似流泉

胥門閒泛

細槳輕桡下白蘋故城花謝綠陰新  
豈知今日逃名士  
試問南塘著錄人

薔薇

穠華自古不得久况是倚春春已空  
更被夜來風雨惡

滿階狼藉沒多紅

春夕酒醒

幾年無事傍江湖  
醉倒黃公舊酒壚  
覺夜不知新月上  
滿身花影倩人扶

重臺蓮花

水國煙鄉足芰荷  
就中芳瑞比難過  
風情為與吳王近  
紅萼常教一倍多

浮萍

曉來風約半池明  
重疊侵沙綠  
灞成不用臨池重  
相笑  
最無根蒂是浮名

白蓮

素蘂多蒙別艷欺  
此花真合在瑤池  
還應有恨無人覺  
月曉風清欲墮時

後池

曉煙清露暗相和  
浴雁浮鷗意緒多  
却是陳王詞賦錯  
枉將心事託微波

初植松桂

軒陰冉冉移斜日寒韻泠泠入晚風煙格月姿曾不改  
至今猶似在山中

館娃宮懷古五首

三千雖衣水犀珠半夜夫差國暗屠猶有八人皆二八  
獨教西子占亡吳

一宮花渚漾漣漪侵墮鴉鬟出鬢眉可料坐中歌舞袖  
便將殘節拂降旗

幾多雲榭倚青冥  
越焰燒來一片平  
此地最應沾恨血  
至今春草不勻生

江色分明練遶臺  
戰帆遙隔綺䟽開  
波神自厭荒淫主  
勾踐樓船穩貼來

寶袜香綦碎曉塵  
亂兵誰惜似花人  
伯勞應是精靈使  
猶向殘陽泣暮春

和寄韋校書

萬古風煙滿故都  
清才搜括妙無餘  
可中寄與芸香客

便是江南地里書

初冬偶作

桐下空階疊綠錢，貂裘初綻擁高眠。  
小爐低幌還遮掩，酒滴灰香似去年。

虎丘寺西小溪間泛三首

樹號相思枝拂地，鳥語提壺聲滿溪。  
雲涯一里千萬曲，直是漁翁行也迷。

荒柳卧波渾似困，宿雲遮塢未全癡。  
雲情柳意蕭蕭會。



若問諸餘總不知

每逢孤嶼一倚楫便欲狂歌同采薇任是煙蘿中待月  
不妨歌枕扣船歸

釣侶二首

一艇輕撐看晚濤接羅拋下漉春醪相逢便倚蒹葭泊  
更唱菱歌擘蟹螯

雨後沙虛古岸崩魚梁移入亂雲層歸時月墮汀洲暗  
認得妻兒結網燈

酬醉中寄酒二首

酒痕衣上雜莓苔，猶憶紅螺一兩杯。  
正被遶籬荒菊笑，日斜還有白衣來。

堦下飢禽啄嫩苔，野人方倒病中杯。  
寒蔬賣却還沽喫，可有金貂換得來。

臯橋

橫絕春流架斷虹，凭欄猶思五噫風。  
今來未必非梁益，却是無人繼伯通。

答遺青餽飯

舊聞香積金仙食今見青精玉斧澆自笑鏡中無骨錄  
可能飛上紫雲端

酒病

柳疎桐下晚牕明祇有微風為析醒唯欠白絹籠解散

王儉  
髻名

洛生閒詠兩三聲

寒夜訪襲美

醉韻飄飄不可親棹頭吟側華陽巾如能跛脚東牕下

便是羲皇世上人

玩金鷄鵝

曾向溪邊泊暮雲至今猶憶浪花羣不知鏤羽凝香霧  
堪與鴛鴦覺後聞

寒夜丈燕張潤卿不至

細雨輕觴玉漏終上清詞句落吟中松齋一夜懷貞白  
霜外空聞五粒風

齊梁怨別

寥寥缺月看將落  
簷外霜華染羅幕  
不知蘭棹到何山  
應倚相思樹邊泊

藥名離合夏日即事

乘履著來幽砌滑  
石甃煎得遠泉甘  
草堂祇待新秋景  
天色微涼酒半酣

懷錫山藥名離合二首

鶴伴前溪栽白杏  
人來陰洞寫枯松  
蘿深境靜日欲落  
石上未眠聞遠鐘

佳句成來誰不伏神丹偷去亦須防風前莫怪攜詩橐  
本是吳吟盪漿郎

和懷鹿門縣名離合二首

雲容覆枕無非白水色侵磯直是藍田種紫芝  
食可壽春來何事戀江南

竹溪深處猿同宿松閣秋來客共登封逕古苔侵石鹿  
城中誰解訪山僧

天台國清寺

峯帶樓臺天外立，明河色近眾。思濕松間石，上定僧寒。  
半夜楫溪水聲急。

簾

枕映疎容晚，尚欹秋煙脉脉。雨微微，逆風郭燕尋常事。  
不學人前尚妓衣。

翠碧

紅襟翠翰兩參差，徑拂煙華上細枝。春水漸生魚易得，  
莫辭風雨坐多時。

女墳湖

皮日休

萬貴千奢已寂寥  
可憐幽憤為誰嬌  
須知韓重相思骨  
直在芙蓉向下消

宿木蘭院

木蘭院裏雙棲鶴  
長被金釵睡不眠  
今夜宿來還似爾  
到明無計夢雲泉

薔薇

濃似猩猩初染素  
輕於燕燕欲凌空  
可憐細麗難勝日



照得深紅作淺紅

春夕酒醒

四絃纔罷醉蠻奴  
鄰醪餘香在翠爐  
夜半醒來紅蠟短  
一枝寒淚作珊瑚

胥門閒泛

青翰虛徐夏思清  
愁煙漠漠杏花平  
醉來欲把田田葉  
盡裏當時醒酒鱗

重臺蓮花

歌紅矮婿力難任每葉頭邊半未金可得教他水妃見  
兩重元是一重心

浮萍

嫩似金脂颺似煙多情渾欲擁紅蓮明朝擬附南風信  
寄與湘妃作翠鈿

白蓮

但恐醞酬難並潔祇應簷簷可齊香半垂金粉知何似  
靜婉臨溪照額黃

後池

細雨闌珊眠鷺覺  
鈿波悠漾竝鴛嬌  
邇來會得荆王意  
祇為蓮莖重細腰

虎丘寺西小溪閒泛二首

絕壑祇憐白羽傲  
窮溪唯覺錦鱗癡  
更深尚有通樵處  
或是秦人未可知

高下不驚紅翡翠  
淺深還礙白薔薇  
船頭繫箇松根上  
欲待蓬仙不擬歸

寒夜客見訪

世外為交不是親，醉吟俱岸白綸巾。  
風清月白更三點，未放華陽鶴上人。

答魯望

秦吳風俗昔難同，唯有清才事事通。  
剛戀水雲歸不得，前身應是太湖公。

館娃宮懷古五首

綺閣飄香下太湖，亂兵侵曉上姑蘇。  
越王大有堪羞處，

祇把西施賺得吳

鄭姐無言下玉墀  
夜來飛箭滿梁思  
越王定指高臺笑  
却見當時金鏤眉

半夜娃宮作戰場  
血腥猶雜宴時香  
西施不及燒殘蠟  
猶為君王泣數行

素襪雖遮未掩羞  
越兵猶怕伍員頭  
吳王恨魄今如在  
祇合西施瀨上游

響屧廊中金玉步  
采蘭山上綺羅身  
不知水葬今何處

溪月彎彎欲效嘔

春夕陪櫻桃園宴

萬樹香飄水麝風  
蠟薰花雪盡成紅  
夜深懽態狀不得  
醉客圖開明月中

松江早春

松陵清淨雪消初  
見底新安恐未如  
穩凭船舷無一事  
分明數得鱸殘魚

天竺寺桂子

玉顆珊珊下月輪殿前拾得露華新至今不會天中事  
應是姮娥擲與人

初冬偶作

豹皮茵下百餘錢劉墮聞沽盡醉眠酒病枝來無一事  
鶴亡松老似經年

醉中寄魯望一壺

門巷寥寥空紫苔先生應渴解醒杯醉中不得親相問  
故遣青州從事來

軍事院霜菊盛開上諫議

金華千點曉霜凝，獨對壺觴又不能。  
已過重陽三十日，至今猶自待王弘。

悼鶴

莫怪朝來淚滿衣，墮毛猶傍水花飛。  
遼東舊事今千古，却向人間葬令威。

寄韋校書

二年疏放飽江潭，水物山容盡足耽。  
唯願有故人憐未替。



欲封乾繪寄終南

釣侶二首

趨眠無事避風濤  
一斗霜鱗換濁醪  
驚怪兒童呼不得  
盡衝煙雨漉車螯

巖陵灘勢似雲崩  
釣具歸來放石層  
煙浪濺蓬寒不睡  
更將枯蚌點漁燈

醉中先起

麝煙冉冉生銀兔  
蠟淚漣漣滴繡闈  
舞袖莫欺先醉去

醒來還解驗金泥

文燕招潤卿

颺御已應歸香眇博山猶自對氛氲不知入夜能來否  
紅蠟先教刻五分

酒病偶作

鬱林步障盡透明一注濃香養病醒何事晚來還欲飲  
隔牆聞賣蛤蜊聲

玩金鷄鵝

鏤羽彫毛迴出羣  
溫磨飄出麝臍薰  
夜來曾吐紅茵畔  
猶自溪邊睡不聞

友人許惠酒以詩索之

野客蕭然訪我家  
霜殘白菊兩三花  
子山病起無餘事  
只望蒲臺酒一車

寒夜文燕潤卿有期不至

草堂虛灑待高真  
不意清齋避世塵  
料得焚香無別事  
存心應待月夫人

齊梁怨別

芙蓉泣恨紅鈿落一朶別時煙似幕  
鴛鴦剛解離心  
夜夜飛來棹邊泊

晚秋吟

東臯煙雨歸耕日  
兔去玄冠手刈禾  
火滿酒壚詩在口  
今日無計奈儂何

好詩景

青盤香露傾荷  
女子墨風流  
更不言寺寺雲蘿  
堪度日

京塵到死撲侯門

醒聞檜

解洗餘醒晨半酒  
星星仙吹起雲門  
耳根莫厭聽佳木  
會盡山中寂靜源

寺鐘暝

百緣斗藪無塵土  
寸地章煌欲布金  
重擊蒲牢吟山日  
冥冥煙樹覩棲禽

砌思步

襪襪古薜繡危石切切陰蟹應晚田心事萬端何處上少  
娥峯下舊雲泉

懷錫山藥名離合二首

暗竇養泉容泱泱明園護桂放亭亭歷山居處當天半  
夏裏松風盡足聽

曉景半和山氣白微香清淨雜纖雲實頭事足眠平石  
腦側空林看鹿羣

天台國清寺

十里松門國清路飯猿臺上菩提樹  
怪來煙雨落暗天  
元是海風吹瀑布

夏日即事藥名離合三首

季春人病拋芳杜仲夏溪波遠壞垣  
衣典濁醪身倚桂  
心中無事到雲昏

數曲急溪衝細竹葉舟來往盡能通  
草香石冷無辭遠  
志在天台一遇中

桂葉似葺含露紫葛花如綬  
蕪溪黃連雲更入幽深地

骨錄閒攜相獵郎

懷鹿門縣名離合

山瘦更培秋後桂  
溪澄閒數晚來魚  
臺前過雁盈千百  
泉石無情不寄書

十里松蘿陰亂石  
門前幽事雨來新  
野霜濃處憐殘菊  
潭上花開不見人

萬首唐人絕句卷四十六



欽定四庫全書

集部

萬首唐人絕句卷四十九至

詳校官庶吉士臣柳遵祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷四十七

宋 洪邁 編

七言

禁直寄崔員外

鄭 畋

銀臺樓北藥珠宮  
負與人間路不同  
在省五更春睡侶  
早來分夢玉堂中

初秋寓直三首

曉星獨挂結麟樓三殿風高藥樹秋玉笛數聲飄不住  
問人依約在東頭

宿鳥翩翩落照微右臺樓閣鎖重扉步廊無限金羈響  
應是諸司扈從歸

幽閣焚香萬慮凝下簾胎息過禪僧玉堂分照無人後  
消盡金盆一椀冰

夜景又作

鈴條無響閉珠宮小閣涼添玉藥風珍簟滿牀明月到

自疑身在五雲中

聞號

陞兵偏近羽林營  
夜靜仍傳禁號聲  
應笑執金雙闕下  
近南猶隔兩重城

下直早出

諸司人盡馬蹄稀  
紫帕雲竿九釘歸  
偏覺右臺清貴處  
榜懸金字射晴暉

金鑾坡上

玉晨鐘韻索清虛畫戟祥煙拱帝居極眼向南無限地  
綠煙深處認中書

杪秋夜直

禁宮裁詔與宵分雖在青雲憶白雲待報君恩了歸去  
山翁何急草移文

酬隱珪舍人寄紅燭

蜜炬殷紅晝不如且將歸去照吾廬今來併得三般事  
靈運詩篇逸少書

馬嵬坡

玄宗回馬楊妃死雲雨難忘日月新  
終是聖明天子事景陽宮井又何人

禁直和人飲酒

卉醴陀花物外香清濃標格勝椒漿  
我來尚有鈞天會猶得金樽半日嘗

悼鶴

李穀

道林曾訪雪翎飛應悔庭除閉羽衣  
料得王恭披鶴氅

倚吟猶待月中歸

醉中襲美先起戲贈

休文雖即逃瓊液  
阿鶩還須掩玉闈  
月落金雞一聲後  
不知誰悔醉如泥

和戲襲美醉中先起

張 賁

何事桃源路忽迷  
唯畱雲雨怨空閨  
仙郎共許多情調  
莫遣重歌濁水泥

送人西歸

孤雲獨鳥本無依  
江海重逢故舊稀  
楊柳漸疎蘆葦白  
可堪斜日送君歸

偶約道流終乖文會答皮陸

仙侶無何訪蔡經  
兩煩韶護出彤庭  
人間若有登樓望  
應怪文星近客星

和皮陸酒病偶作

白編椰席鏤冰明  
應助楊青解宿醒  
難繼二賢金玉唱  
可憐空作斷猿聲



悼鶴

渥頂鮮毛品格馴  
莎庭閒暇重難羣  
無端日暮東風起  
飄散春空一片雲

和寒夜見訪

雲孤鶴獨且相親  
做效從他折角巾  
不用吳江歎留滯  
風姿俱是玉清人

翫金鷄

翠羽紅襟鏤彩雲  
雙飛常笑白鷗羣  
誰憐化作雕金質

從惜沉檀十里聞

和襲美索友人酒

鄭壁

乘興閒來小謝家  
便裁詩句乞榴花  
邠原雖不無端醉  
也要臨風從鹿車

文燕潤卿不至

已知羽駕朝金闕  
不用燒蘭望玉京  
應是易遷明月好  
玉皇留看舞雙成

惜花

嚴憚

春光冉冉歸何處更向花前把一杯  
盡日問花花不語  
為誰零落為誰開

鑿駕東回

崔道融

兩川花捧御衣香  
萬歲山呼輦路長  
天子還從馬嵬過  
別無惆悵似明皇

釣魚

閒釣江魚不釣名  
瓦甌斟酒暮山青  
醉頭倒向蘆花裏  
却笑無端犯客星

西施

苧蘿山下如花女  
占得姑蘇臺上春  
一笑不能忘敵國  
五湖何處有功臣

馬嵬

萬乘淒涼蜀路歸  
眼前珠翠與心違  
重華不是風流主  
湘水猶傳泣二妃

羯鼓

華清宮裏打撩聲  
供奉絲簧束手聽  
寂寞鑾輿斜谷裏

是誰翻得雨淋鈴

寄李左司

王季在臺

栢臺蘭省共清風  
鳴玉朝聯夜被同  
肯信人間有兄弟  
一生長在別離中

梅

溪上寒梅初滿枝  
夜來霜月透芳菲  
清光寂寞思無盡  
應待琴尊與解圍

天台陳逸人

絕粒空山秋復春  
欲看滄海化成塵  
近拋三井更深去  
不怕虎狼唯怕人

雪竇禪師

雪竇峰前一派懸  
雪竇五月無炎天  
客塵半日洗欲盡  
師到白頭林下禪

溪上遇雨二首

回塘雨脚如搔絲  
野禽不起沉魚飛  
耕策釣立取未暇  
秋田有望從淋漓

坐着黑雲銜猛雨噴灑前山此獨晴忽經雲雨在頭上  
却是山前晚照明

長門怨

長門花泣一枝春爭奈君恩別處新錯把黃金買詞賦  
相如自是薄情人

秋夕

自憐三十未西遊傍水尋山過却秋一夜雨聲多少事  
不思量盡到心頭

過隆中

玄德蒼黃起卧龍鼎分天下一言中  
可憐蜀國關張後  
不見商量徐庶功

關下

百二山河壯帝畿關門何事更開遲  
應從漏却田文後  
每度聞雞不免疑

寒食客中有懷

江上聞鶯禁火時  
百花開盡柳依依  
故園兄弟別來久



應到清明猶望歸

溪夜

積雪消來溪水寬  
滿樓明月碎琅玕  
漁人拋得釣筒盡  
却放輕舟下急灘

山居卧疾廣利大師見訪

桐谷孫枝已上絃  
野人猶卧白雲邊  
九天飛錫應相誚  
三到行朝二十年

村墅

正月二月村墅閒餘糧未乏人心寬南隣雨中揭屋笑  
酒熟數家來相看

悲李拾遺二首

故友從來匪石心諫多難得主恩深行朝半夜煙塵起  
曉殿吁嗟一鏡沈

天涯時有北來塵因話他人及故人也是先皇能罪已  
殿前頻得觸龍鱗

題李將軍傳

猿臂將軍去似飛，彎弓百步敵無遺。  
漢文自與封侯得，何必傷嗟不遇時。

酒醒

酒醒撥剔殘灰火，多少淒涼在此中。  
爐畔自斟還自醉，竹窻深夜雪兼風。

郊居友人相訪

柴門深掩古城秋，背郭緣溪一徑幽。  
不有小園新竹色，君來那肯暫淹留。

鏡湖雪霽貽方干

天外曉嵐和雪望  
月中歸棹帶冰行  
相逢半醉吟詩苦  
應抵寒猿裊樹聲

秋霽

雨霽長空蕩滌清  
遠山初出未知名  
夜來江上如鈎月  
時有驚魚擲浪聲

謝朱常侍寄貺蜀茶剡紙二首

瑟瑟香塵瑟瑟泉  
驚風驟雨起寒煙  
一甄解却山中醉

金史四八八  
卷四十七  
便覺身輕欲上天

百幅輕明雪未融  
薛家凡紙漫深紅  
不應點染閒言語  
留紀將軍蓋世功

讀杜紫微集

紫微才調復知兵  
長覺風雷筆下生  
還有枉拋心力處  
多於五柳賦閒情

寓題

海上乘查便合仙  
若無仙骨未如船  
人間亦有支機石

虛破聲明到洞天

寓吟集

陶集篇篇皆有酒  
崔詩句句不無杯  
醉來已共身安約  
讓却詩人作酒魁

溪居即事

籬外誰家不繫船  
春風催入釣魚灣  
小童疑是有村客  
急向柴門去却關

雞

買得晨雞共雞語常時不用等閒鳴深山月黑風雨夜  
欲近曉天啼一聲

獻浙江柳大夫

屬城甘雨幾經春聖主全分付越人俗眼不知青瑣貴  
江頭爭看碧油新

楊柳枝詞

霧撚煙搓一索春年年長似染來新應須喚作風流線  
繫得東西南北人

楚懷王

宮花一朶掌中開  
緩急翻為敵國媒  
六里青山天下笑  
張儀容易去還來

對早梅寄友人二首

憶得前年君寄詩  
海邊三見早梅詞  
與君猶是海邊客  
又見早梅花發時

憶得去年有遺恨  
花前未醉到無花  
清芳一夜月通白  
先脫寒衣送酒家



歎征人

高駢

心堅膽壯箭頭親  
十載沙場受苦辛  
力盡路傍行不得  
廣張紅旆是何人

湘妃廟

帝舜南巡去不還  
二妃幽怨水雲間  
當時珠淚垂多少  
直到如今竹尚斑

赴安南却寄台司

曾驅萬馬上天山  
風去雲回頃刻間  
今日海門南面事

莫教還似鳳林關

閨怨

人世悲歡不可知  
夫君初破黑山歸  
如今又獻征南策  
早晚休縫帶號衣

馬嵬驛

玉顏雖掩馬嵬塵  
冤氣和煙鎖渭津  
蟬鬢不隨鑿駕去  
至今空感往來人

宴犒蕃軍有感

蜀地恩留馬，冤哭煙雨濛濛。  
春草綠滿眼，由來是舊人。  
那堪更奏梁州曲。

寓懷

關山萬里恨難銷，鐵馬金鞭出塞遙。  
為問昔時青海畔，幾人歸到鳳林橋。

步虛詞

青溪道士人不識，上天下地鶴一隻。  
洞門深鎖碧牕寒，  
滴露研朱點周易。

贈歌者二首

酒滿金船花滿枝  
佳人立唱慘愁眉  
一聲直入青雲去  
多少悲歡起此時

公子邀歡月滿樓  
雙成揭調唱伊州  
便從席上風沙起  
直待陽關水盡頭

入蜀

萬水千山音信希  
空勞魂夢到京畿  
漫天嶺上頻回首  
不見虞封淚滿衣

邊城聽角

席冥風起雁聲秋隴水邊沙滿目愁三會五更吹欲盡  
不知曾白幾人頭

渭川秋望寄右軍王特進

長川終日碧潺湲知道天河與地連憑寄兩行朝闕淚  
願隨流入御溝泉

山亭夏日

綠樹陰濃夏日長樓臺倒影入池塘水精簾動微風起

滿架薔薇一院香

蜀路感懷

蜀山蒼翠隴雲愁  
鑿駕西巡陷幾州  
唯有縈回深澗水  
潺湲不改舊時流

殘春遣興

畫舸輕橈柳色新  
摩河池上醉青春  
不辭不為青春醉  
只恐鶯花也怪人

春日招賓

花枝如火酒如飴正好狂歌醉復醒對酒看花何處好  
延和閣下碧筠亭

遇天威徑

豺狼坑盡却朝天戰馬休嘶瘴嶺煙歸路嶮巖今坦蕩  
一條千里直如弦

對花呈幕中

海棠初發去春枝首唱曾題七字詩今日能來花下飲  
不須頻把使頭旗

寄題羅浮別業

不將真性染埃塵，為有煙霞伴此身。  
帶日長江好歸信，博羅山下碧桃春。

塞上曲二首

二年邊戍絕煙塵，一曲河灣萬恨新。  
從此鳳林關外事，不知誰是苦心人。

隴上征夫隴下魂，死生同恨漢將軍。  
不知萬里沙場苦，空舉平安火入雲。



廣陵宴次戲簡幙賓

一曲狂歌酒百分  
蛾眉畫出月爭新  
將軍醉罷無餘事  
亂把花枝折贈人

安南送曹別勅歸朝

雲水蒼茫日欲收  
野煙深處鷓鴣愁  
知君萬里朝天去  
為說征南已五秋

對雪

六出飛花入戶時  
坐看青竹變瓊枝  
如今好上高樓望

蓋盡人間惡路岐

訪隱者不遇

落花流水認天台半醉閒吟獨自來  
惆悵仙翁何處去滿庭紅杏碧桃開

赴西川途經虢縣作

亞夫重過柳營門路指岷峨隔暮雲  
紅額少年遮道拜殷勤認得舊將軍

錦城寫望

蜀江波影碧悠悠  
四望煙花匝郡樓  
不會人家多少錦  
春來盡挂樹梢頭

太公廟

青山長在境長新  
寂寞持竿一水濱  
及得王師身已老  
不知辛苦為何人

邊方春興

草色青青柳色濃  
玉壺傾酒滿金鐘  
笙歌嘹亮隨風去  
知盡關山第幾重

塞上寄家兄

棣萼分張信使希  
幾多鄉淚濕征衣  
笳聲未斷腸先斷  
萬里雲天鳥不飛

寫懷二首

漁竿消日酒消愁  
一醉忘情萬事休  
却恨韓彭興漢室  
功成不向五湖遊

花滿西園月滿池  
笙歌搖曳畫船移  
如今暗與心相約  
不動征旗動酒旗

池上送春

持竿閒坐思沉吟  
釣得江鱗出碧潭  
回首看花花欲盡  
可憐寥落送春心

南征叙懷

萬里驅兵過海門  
此生今日報君恩  
回期直待烽煙靜  
不遣征衣有淚痕

風箏

夜靜絃聲響碧空  
宮商信任往來風  
依稀似曲才堪聽

又被移將別調中

平流園席上

畫舸搖煙水滿塘  
柳絲輕軟小桃香  
却緣龍節為縈絆  
好是狂時不得狂

南詔途中

楊奇鯤

風裏浪花吹又白  
雨中嵐影洗還青  
江鷗聚處窻前見  
林狖啼時枕上聽

萬首唐人絕句卷四十七